



# NEWSLETTER BR. 23

SEPTEMBAR 2016

## SADRŽAJ

### FIPA AKTIVNOSTI ≡

- » Posjeta firmi Authority Partners
- » FIPA: Katarski investitor zainteresiran za ulaganje u rudnike kamena u BiH
- » Delegacija FIPA-e prisustvuje sajmu Macfrut 2016
- » FIPA I NOVI BH AMBASADOR U ŠVAJCARSKOJ – Prioritet ekonomskoj diplomatiji
- » FIPA: Češki investitori pokreću investiciju u bh. drvnoj industriji
- » Direktor FIPA-e posjetio Općinu Šipovo

### POSLOVNE VIJESTI ≡

- » British American Tobacco kupio dionice Fabrike duhana Sarajevo
- » Belgijska grupacija Mecaspring će reinvestirati 3 miliona KM

# FIPA AKTIVNOSTI ≡



POSJETA FIRMI AUTHORITY PARTNERS



FIPA: KATARSKI INVESTITOR ZAINTERESIRAN ZA ULAGANJE  
U RUDNIKE KAMENA U BIH



## ...I JOŠ FIPA AKTIVNOSTI...





## POSJETA FIRMI AUTHORITY PARTNERS



U okviru Aftercare programa sa partnerima za 2016. godinu, predstavnici FIPA-e i Općine Stari Grad posjetili su firmu Authority Partners, društvo za konsultantske usluge i izradu software-a d.o.o. Sarajevo.

Firma je prisutna na tržištu BIH od 2005. godine, kao predstavništvo, a zadnjih 5 godina posluju kao društvo sa ograničenom odgovornošću i zapošljavaju 211 radnika. Osnivači ove respektabilne firme su bosansko-hercegovačkog porijekla.

Riječ je o izuzetno perspektivnoj firmi sa mladim i kvalitetnim kadrom, koja između ostalog organizira praksu u trajanju od 3 mjeseca za praktikanate, što im omogućava sticanje znanja, radnog iskustva i pomoć pri pokretanju karijere. Veliku poteškoću predstavlja im nedostatak kadra, što nastoje riješiti putem IT klastera, a i FIPA će se također uključiti u pružanje podrške u rješavanju ovog problema.

Tokom sastanka razgovarano je i o drugim otvorenim pitanjima, te mogućnostima suradnje između općine i firme na društveno korisnim projektima.





## FIPA: KATARSKI INVESTITOR ZAINTERESIRAN ZA ULAGANJE U RUDNIKE KAMENA U BIH



Direktor Agencije za unapređenje stranih investicija BiH (FIPA) Gordan Milinić i suradnici informirali su katarskog investitora Nerton Investments o mogućnostima za ulaganje u rudnike kamena, bankarski sektor i sektor nekretnina u BiH za koje su prethodno iskazali interes.

Tokom današnjeg sastanka uspostavljen je kontakt sa nosiocima nekoliko investicijskih projekata, te su organizirani sastanci ovim povodom.

Investitor je spreman odmah krenuti sa realizacijom investicije ukoliko pronade adekvatan investicijski projekat u BiH.





## DELEGACIJA FIPA-E PRISUSTVUJE SAJMU MACFRUT 2016



Predstavnici FIPA-e na čelu sa direktorom Gordanom Milinićem prisustvuju sajmu Macfrut 2016, vodećem italijanskom sajmu proizvodnje, logistike i distribucije voća i povrća, koji se održava u Riminiju u periodu od 14-16. septembra 2016. godine.

Macfrut predstavlja idealno mjesto za susret sa kompanijama i potencijalnim investitorima iz sektora voća i povrća. Na sajmu će izlagati kompanije iz cijelog svijeta, posebno Italije, Holandije, Španije i Njemačke.

Direktor Milinić je tom prilikom održao niz sastanaka sa kompanijama i informirao ih o pogodnostima za ulaganje koje Bosna i Hercegovina nudi investitorima i raspoloživim projektima iz sektora poljoprivrede i proizvodnje hrane.

Investitori su pokazali veliki interes za projekte iz ovog sektora i već su dogovorene posjete investicionim lokacijama u BiH.





## FIPA I NOVI BH AMBASADOR U ŠVAJCARSKOJ PRIORITET EKONOMSKOJ DIPLOMATIJI



Na sastanku sa novoimenovanim ambasadorom Bosne i Hercegovine u Švicarskoj Anđelkom Grahovcem, predstavnici FIPA-e su informirali budućeg diplomatu o aktivnostima koje provode na promoviranju Bosne i Hercegovine i njenih privrednih mogućnosti u inostranstvu, pronalasku investitora, te istakli neophodnost zajedničkog rada Agencije i Ministarstva vanjskih poslova BiH na privlačenju stranih investicija.

Informirali su ambasadora o postojećim investicionim projektima, mogućnostima bh. privrede i medijskoj kampanji „Invest in Bosnia and Herzegovina“. Također je upoznat sa trenutnim prilivom stranih ulaganja iz Švicarske u BiH, koji prema podacima Centralne banke BiH, zaključno sa decembrom 2015. godine iznose 519 miliona KM, te da se Švicarska nalazi na 8. mjestu liste najznačajnijih investitora u BiH. Među švicarskim investicijama dominiraju investicije bh. dijaspore.

FIPA od svih ambasadora BiH očekuje da im ekonomska diplomatije bude prioritet u radu, da rade na dovođenju investitora u zemlju kao i na povećanju izvoza iz BiH.





## FIPA: ČEŠKI INVESTITORI POKREĆU INVESTICIJU U BH. DRVNOJ INDUSTRIJI



Direktor Agencije za unapređenje stranih investicija BiH (FIPA) Gordan Milinić razgovarao je sa predstavnicima češke firme Creative Imperial CZ o investiciji koju planiraju realizirati u sektoru drvne industrije BiH.

Češka firma posluje već 20 godina u oblasti energetike, izgradnje, građevinske tehnologije i drvnom sektoru. Svoje proizvodne pogone posjeduju u Češkoj i Slovačkoj, a Bosna i Hercegovina je slijedeća zemlja u kojoj će pokrenuti nove pogone. Imaju osigurano tržište za proizvode koje će proizvoditi u BiH.

Predstavnici FIPA-e su investitorima predstavili trenutno raspoložive projekte iz drvne industrije, te pružili pomoć oko obilaska lokacija za koje su iskazali interes na sastanku.





## DIREKTOR FIPA-E POSJETIO OPĆINU ŠIPOVO



Direktor Agencije za unapređenje stranih investicija BiH (FIPA) Gordan Milinić sa suradnicima posjetio je Općinu Šipovo i susreo se sa načelnikom Miloradom Ćirkom i suradnicima.

Na sastanku su razmatrane mogućnosti za investiranje na ovom području. Predložen je projekt izgradnje gipsare, mini hidrocentrala, rudnika uglja, turističkih smještajnih kapaciteta, flaširane vode, stočarstva i proizvodnje hrane, te fabrika za finalnu obradu drveta. Izuzetnu osnovu za turizam u Šipovu čini bogastvo prirodnih resursa: izvori, rijeke i jezera, čist vazduh, planine, šume, zdrava hrana, lov i ribolov, fly-fishing, planinarenje i rafting. Općina raspolaže i sa velikom količinom mineralnih resursa (bentonit 2.170.000 t; gips 1.500.000 t; dolomit 2.735.780 m<sup>3</sup>.), neobrađenog poljoprivrednog zemljišta (22.083 ha), kao i šumskog zemljišta (22.399 ha). Rijeke Pliva i Janj i manje rijeke Sokočnica, Lubovica, Volarica izvire i protiču teritorijom Šipova, te samim tim predstavljaju dobar osnov za izgradnju mini-hidrocentrala i flaširanje vode. Razgovarano je i o poslovnim zonama i objektima pogodnim za brownfield investicije. Direktor FIPA-e Gordan Milinić je upoznao prisutne o aktivnostima Agencije, kao i mogućnostima suradnje na predstavljanju potencijala Šipova potencijalnim stranim investitorima. Naglasio je da su glavni ciljevi FIPA-e dovođenje što je moguće više stranih investitora, otvaranje novih radnih mjesta i značajno povećanje priliva direktnih stranih ulaganja. Stoga je Agencija intenzivirala rad i pokrenula aktivnosti na ažuriranju baze podataka investicijskih projekata u koju će biti uključeni projekti Šipova. Na sastanku je dogovoreno da Općina pripremi projekte i inicijative javnog i privatnog sektora i prosljedi ih Agenciji koja će, dalje, u okviru svoje misije, pokušati ostvariti kontakte sa stranim investitorima. Nakon održane konferencije pod nazivom "Projekat energetske efikasnosti primjenom kogeneracije iz biomase" 19. jula 2016 Sarajevu u organizaciji FIPA-e i firme Alfa Invest, predstavnici Općine obavljaju razgovore sa italijanskim investitorima i razmatraju mogućnost ulaganja na osnovu kojeg bi Općina proizvodila i toplotnu i električnu energiju, što bi doprinijelo poboljšanju ekonomske situacije i otvaranju novih radnih mjesta.



# POSLOVNE VIJESTI ≡



BRITISH AMERICAN TOBACCO KUPIO DIONICE  
FABRIKE DUHANA SARAJEVO



BELGIJSKA GRUPACIJA MECASPRING ĆE  
REINVESTIRATI 3 MILIONA KM



...I JOŠ FIPA POSLOVNIH VIJESTI...



## BRITISH AMERICAN TOBACCO KUPIO DIONICE FABRIKE DUHANA SARAJEVO

15. septembra 2016. godine, na održanoj aukciji na Sarajevskoj berzi kompanija CID Adriatic Investments GmbH (CID) predala je najbolju ponudu za dionice Fabrike duhana Sarajevo d.d. (FDS) u vlasništvu Federacije Bosne i Hercegovine.

CID Adriatic Investments GmbH je austrijska investicijska kompanija, a CID-u je sredstva za transakciju osigurala kompanija British American Tobacco (BAT).

Ponuda za 511.478 dionica, što predstavlja 39,9058 posto ukupnih dionica FDS-a, iznosi 83,5 KM po dionici, što je ukupno 42,708.413 KM.





## BELGIJSKA GRUPACIJA MECASPRING ĆE REINVESTIRATI 3 MILIONA KM

U poslovnoj zoni Begovača u Livnu, ovih će dana započeti izgradnja novog proizvodnog pogona firme B-Spring koju je osnovala grupacija Mecaspring iz Belgije, vodeći proizvođač opruga u zemljama Beneluksa.

Na ovaj način se realizira planirano proširenje proizvodnih kapaciteta koje je direktor Frano Brajko najavio predstavnicima FIPA-e, za vrijeme posjete u okviru Aftercare programa. Direktor Brajko je tom prilikom izjavio da je zbog pomoći FIPA-e (pravovremena informacija o natječaju za poticajna sredstva Federalnog zavoda za zapošljavanje na osnovu čega je izvršio prijem tri radnika), kao i ranije konstatiranih razloga (jeftine radne snage, poreskih olakšica i povoljnog geografskog položaja), vlasnik kompanije odlučio da investira u novu proizvodnu halu površine 2000 m<sup>2</sup> i pored postojećih 10, zaposli novih 20 radnika.

Vrijednost samog objekta je oko tri miliona konvertibilnih maraka, a planirana je instalacija strojeva sa najnovijom tehnologijom. Direktor Brajko je također izjavio da će svim potencijalnim belgijskim i drugim investitorima svjedočiti o pozitivnim iskustvima poslovanja firme B Spring u Bosni i Hercegovini.



## MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



## USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E,  
KOJE SU BESPLATNE, KONTAKTIRAJTE NAS  
DIREKTNO.

Grbavička 4  
71000 Sarajevo  
Tel: +387 22 278 080  
Fax: + 387 33 278 081  
e-mail : [fipa@fipa.gov.ba](mailto:fipa@fipa.gov.ba)  
[www.fipa.gov.ba](http://www.fipa.gov.ba)

Ured FIPA-e Mostar  
Kneza Višeslava, Office 54  
88000 Mostar  
Tel/Fax: +387 36 558 815  
E-mail: [mostar@fipa.gov.ba](mailto:mostar@fipa.gov.ba)

Ured FIPA-e Banja Luka  
Jovana Surutke 13/III  
78000 Banja Luka  
Tel/Fax: + 387 51 226 180  
E-mail: [banjaluka@fipa.gov.ba](mailto:banjaluka@fipa.gov.ba)



A map of Europe with white outlines of countries on a blue background. The country of Bosnia and Herzegovina is highlighted with a semi-transparent version of its national flag, which features a yellow triangle at the top, a blue triangle at the bottom, and a white diagonal line with seven white stars in the center.

# INVEST IN BOSNIA AND HERZEGOVINA YOUR NEW OPPORTUNITY

[WWW.FIPA.GOV.BA](http://WWW.FIPA.GOV.BA)